

CONVENIO DE COLABORACIÓN ENTRE O SERVIZO GALEGO DE SAÚDE E A ASOCIACION ESPAÑOLA CONTRA O CANCRO (XUNTA PROVINCIAL DA CORUÑA), PARA O DESENVOLVEMENTO DO PROGRAMA PRIMEIRO IMPACTO E ACTIVIDADES DE VOLUNTARIADO NO COMPLEXO HOSPITALARIO UNIVERSITARIO DE FERROL (XERENCIA XESTION INTEGRADA DE FERROL)

Ferrol, 13 de abril de 2018.

REUNIDOS

Dunha parte, D. Jesús Vázquez Almuiña, Conselleiro de Sanidade e Presidente do Servizo Galego de Saúde, de acordo co establecido no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, de conformidade cos Decretos 41/2013 do 21 de febreiro e 43/2013, do 21 de febreiro, polos que se establecen as estruturas orgánicas da Consellería de Sanidade e do Servizo Galego de Saúde, respectivamente; así como co establecido na Lei 1/2016, do 18 de xaneiro de transparencia e bo goberno e no establecido na Lei 40/2015, do 1 de outubro, do réxime xurídico do sector público.

Doutra parte, D^o Manuel Aguilar López con DNI n.º 15 922 727 B, actuando en nome e representación da Xunta Provincial da Coruña da Asociación Española contra o cancro (en diante aecc), en virtude das facultades que lle son conferidas como Presidente daquela, nos Estatutos que regulan a organización e funcionamento da aecc, con CIF: G28197564 e con domicilio a efecto deste convenio,xxxxxxxxxxxxxxxxxxxx.

As partes intervinientes que se recoñecen recíprocamente capacidade e lexitimación para asinar o presente convenio.

EXPOÑEMOS

1. Que a aecc é unha institución con personalidade xurídica propia e plena capacidade de obrar para o cumprimento dos seus fins, de carácter benéfico asistencial e sen fin de lucro. Fundada en 1953 e declarada de “utilidade pública” en 1970, cuxo fin principal é loitar contra o cancro en todas as posibles modalidades coñecidas, ou que no futuro se coñezan, mediante o desenvolvemento de funcións e actividades de divulgación, de prevención, de investigación, de información e de carácter sanitario ou asistencial.
2. Que a Xerencia de Xestión Integrada de Ferrol, sensible aos fenómenos que poidan redundar nunha maior cohesión social, recoñecen o importante papel da aecc. Por iso, sendo consciente da necesidade de promover e coordinar actividades desde postulados flexibles que permitan unhas regras básicas para o desenvolvemento da súa acción, en campos como a saúde, están interesados en colaborar coa aecc.
3. Que a Xerencia de Xestión Integrada de Ferrol, incorpora **entre os seus obxectivos o fomento do voluntariado**, a través de programas de colaboración con entidades e asociacións de ámbito sanitario.
4. Que co propósito de instrumentar unha acción coordinada en todos os campos de actuación en materia oncolóxica, ambas as partes, de mutuo acordo deciden subscribir o presente convenio de colaboración.

5. De conformidade co anteriormente exposto e seguindo este amplo sentido de colaboración, as entidades comparecentes deciden cooperar nas actividades que actualmente desenvolven, recoñecéndose a representación que ostentan e acordando formalizar o presente convenio de colaboración, con arranxo ás seguintes:

CLÁUSULAS:

PRIMEIRA.- OBXECTO DO CONVENIO

O presente convenio regula a actuación do voluntario da Asociación nos hospitais cos pacientes oncolóxicos pertencentes ao Complexo Hospitalario Universitario de Ferrol co fin de promover unha maior calidade de vida para os enfermos de cancro e as súas familias, así como facilitar o Programa denominado “Primeiro Impacto” e as actividades de voluntariado.

O **programa** ten por obxecto facilitar de maneira inmediata a obtención da información necesaria dos recursos existentes para a atención aos pacientes recen diagnosticados de cancro e aos seus familiares en relación á situación da súa enfermidade:

- Identificando as necesidades do enfermo e/ou familiar rapidamente unha vez diagnosticado.
- Avaliando o grao de malestar que presentan enfermos e familiares tras recibir o diagnóstico.
- Favorecendo o acceso aos diversos servizos que sexan máis axeitados e que se axusten as súas necesidades.

As principais **actividades** a desenvolver polos voluntarios son:

- Acompañamento ao paciente oncolóxico e aos seus familiares cando as condicións do paciente o faciliten e non exista impedimento por parte dos afectados.
- Facilitar e apoiar ao coidador primario no seu descanso físico e emocional.
- Apoio ao paciente oncolóxico e aos seus familiares para facilitar a expresión de emocións asociadas co diagnóstico e o proceso da enfermidade.
- Actividades de animación e entretemento para facilitar a estancia da persoa enferma no hospital e a distracción con actividades de lecer.
- Guía hospitalaria e apoio na realización de xestións.
- Comunicación á coordinadora de Voluntariado da ASOCIACION no hospital dos casos que presentan situacións e necesidades que requiran a intervención do persoal especializado, para a súa derivación ao profesional correspondente.

SEGUNDA.- OBRIGACIÓNS DAS PARTES

A Asociación, comprométese a:

- Achegar un profesional para a Coordinación do Voluntariado da Asociación, que será responsable da actuación dos seus membros e o interlocutor válido ante o representante nomeado polo Hospital.
- Achegar o persoal voluntario necesario para a correcta atención dos pacientes.
- Seleccionar e formar aos voluntarios que participen no desenvolvemento da actividade.

- Achegar unha identificación clara e inequívoca do persoal voluntario.
- Prover dos seguros de Accidentes e Responsabilidade Civil aos voluntarios.
- Fomentar a presenza dos voluntarios en todos aqueles foros onde se traten temas relacionados co voluntariado e o cancro adulto e infantil, e nas xornadas de Convivencia Social que organice a Asociación.
- Realizar as actividades pola mañá no horario que se estime máis oportuno para non obstaculizar o funcionamento do centro hospitalario de modo que as condicións de utilización do inmovible non deben interferir no uso ordinario do mesmo polo órgano que o ten adscrito.

O Servizo Galego de Saúde, a través da Xerencia de Xestión Integrada de Ferrol, comprométese a:

- Facilitar un espazo físico para uso dos profesionais da coordinación do voluntariado e dos recursos materiais destinados a levar a cabo a súa acción, así como dar cabida ao equipo de voluntarios actuantes no hospital, pero sen asumir a custodia e preservación dos mesmos.
- Facilitar cando se necesite un espazo para a realización de actividades de animación e entretemento para os pacientes oncolóxicos e os seus familiares, con petición previa.
- Facilitar a difusión do programa de voluntariado dentro do hospital a través de folletos e cartelería, proporcionada pola aecc, nos lugares máis visibles para os usuarios, permitindo á aecc adecuar o espazo físico do coordinador e os seus voluntarios á imaxe da aecc, cos seus produtos e a papelería identificadora da entidade .

TERCEIRA.- RELACIÓNS LABORAIS

As obrigacións sociais e laborais respecto ao persoal que achega a Asociación corresponderán única e exclusivamente a esta, sendo a Xerencia de Xestión Integrada de Ferrol (hospitais pertencentes ao Complexo Hospitalario Universitario de Ferrol) e o Servizo Galego de Saúde alleos ás devanditas relacións laborais.

A figura profesional da Coordinación do Voluntariado dependerá organicamente da Asociación, a cal asumirá a selección, nomeamento e xestión da mesmo/a.

É responsabilidade da aecc cumprir e facer cumprir as disposicións legais vixente sobre prevención de riscos laborais, así como a normativa interna da Xerencia de Xestión Integrada/Complexo Hospitalario Universitario de Ferrol, acerca das condicións de seguridade.

As persoas intervinientes no presente convenio, comprométense a manter o segredo con relación aos datos persoais do paciente que afecten á súa intimidade e en particular a dar cumprimento ao establecido na L.O.P.D. 15/1999, do 13 de decembro, de protección de datos de carácter persoal.

CUARTA.- COMISIÓN MIXTA DE SEGUIMIENTO

Ao obxecto de velar polo cumprimento xeral das cláusulas do presente Convenio e coordinar as accións previstas, crease unha Comisión Mixta entre a Asociación e o Complexo Hospitalario Universitario de Ferrol, integrada:

Por parte da Asociación, o Presidente da mesma ou persoa en quen delegue, e un técnico nomeado por aquel.

Por parte do Complexo Hospitalario, o Director Xerente ou persoa en quen delegue, e un técnico nomeado por aquel.

Serán competencias xerais desta Comisión:

- A avaliación do desenvolvemento do presente Convenio.
- A preparación de sucesivos programas.
- A proposta da prórroga do Convenio ou da súa rescisión.
- O estudo e asesoramento respecto de cantas cuestións sexan sometidas á Comisión por calquera das partes.

Esta Comisión reunirse unha vez ao semestre e nas circunstancias excepcionais que así o aconsellen.

QUINTA.- FINANCIACION

O presente convenio non leva compromiso de gasto para o servizo galego de saúde/ xerencia de xestión integrada de Ferrol e por este motivo non precisa consignación orzamentaria.

SEXTA.- VIXENCIA

O prazo de vixencia deste convenio será dun ano a contar dende o día seguinte á súa sinatura.

As autorizacións concedidas entenderanse outorgadas en precario, podendo revocarse libremente en calquera intre, sen que a interesada teña dereito á indemnización algunha.

Con todo, as partes poderán prorrogar a vixencia do convenio polo prazo máximo dun ano, de conformidade co artigo 37 da Lei 5/2011 do 30 de setembro, do patrimonio da comunidade autónoma de Galicia, mediante a formalización do correspondente acordo de prórroga, que deberá ser subscrito con anterioridade a data de vencemento do presente convenio.

SEPTIMA.- CAUSAS DE RESOLUCION

Serán causas de rescisión do presente convenio:

1. A falta de uso dos recursos necesarios para o desenvolvemento dos seus programas.
2. O incumprimento manifesto das obrigacións que a aecc contrae por este convenio.
3. A necesidade de utilización por parte da Xerencia de Xestión Integrada de Ferrol dous espazos que se facilitan á aecc, avisando á Xerencia cun mes de antelación.
4. O acordo mutuo das partes.
5. A denuncia expresa dunha das partes, con previo aviso de, como mínimo, dous meses.
6. Desaparecer as circunstancias que deron orixe ao mesmo.

OITAVA.- REVERSIÓN E ACTA DE ENTREGA

A extinción por calquera causa das indicadas producirá a súa reversión á Xerencia de Xestión Integrada de Ferrol dos recursos postos a disposición da aecc.

Aecc poderá retirar os bens da súa propiedade que se atopen nos lugares que estaban a utilizar.

Finalizada a utilización dos recursos postos á súa disposición o persoal da Xerencia de Xestión Integrada de Ferrol levantará a correspondente acta de entrega, en presenza dun representante debidamente apoderado da aecc, apuntando o estado xeral das mesmas e, no seu caso, dos danos e prexuízos de calquera clase a efectos da súa reparación ou indemnización posterior a cargo da aecc, sempre que os mesmos fosen imputables ao incumprimento das obrigacións establecidas neste convenio.

NOVENA.- CUESTIÓN LITIXIOSAS

Este convenio é dos previstos no artigo 6 da Lei 9/2017, de 8 de novembro, de Contratos del Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, polo que queda fóra do seu ámbito de aplicación, sen prexuízo da aplicación dos principios desta Lei para resolver as dúbidas e lagoas que puideran presentarse, conforme recolle o artigo 4 do citado texto. As cuestións litixiosas que puideran xurdir na aplicación do presente convenio, se non fora posible resolvelas seguindo as propostas da comisión mixta prevista na cláusula cuarta, resolveranse ante a Xurisdición Contencioso-Administrativa.

DÉCIMA.- REXISTRO DE CONVENIOS, TRANSPARENCIA E BO GOBERNO

A firma deste convenio de colaboración leva implícito o consentimento expreso das persoas intervinientes para que a Administración pública autonómica galega poida facer públicos os datos de carácter persoal que figuren nel, de acordo co disposto na Lei 19/2013, do 9 de decembro, de transparencia, acceso á información pública e bo goberno, e a Lei Galega 1/2016, do 18 de xaneiro, de transparencia e bo goberno.

O presente Convenio será obxecto de inscrición no Rexistro de Convenios da Xunta de Galicia, nos termos previstos no Decreto 126/2006, do 20 de xullo, polo que se regula o Rexistro de Convenios da Xunta de Galicia.

E como proba de conformidade, ambas as partes asinan o presente convenio, en triplicado exemplar, no lugar e data indicados no encabezamento.

O presidente do Servizo Galego de Saúde
(P.D de data 2 de novembro de 2017)
O xerente de Xestión Integrada de Ferrol

Pola Asociación Española contra o Cancro
O Presidente da Xunta Provincial A Coruña

Asdo: Ángel Facio Villanueva

Asdo: Manuel Aguilar López